

劉文房文集

宋蜀刻本唐人集



本社
編

宋蜀刻本唐人集



YZLI0890174396

九册

劉氏文集

文房

卷五至卷七

劉文房文集卷第五

雜著

翰林國史院官書

送元判官

崔中丞宅海社

使還自菱陂驛

送齊郎中興括州

過隱空和尚故居

訓屈突陝

過蕭尚書見李花

訓李侍御發岳陽見寄

送徐郎中歸朝

奉使鄂渚至烏江道中作

贈元容州

送徐大夫之廣州

杜別駕彈胡琴

新息道中作

王處士別業

題黃主簿高齋

送萬州崔侯君

送楊明府歸荆南

送馬秀才

過裴舍人故居

送惠法師

夏口至鸚鵡洲望岳陽

送南特進歸行營

雲外嶺

湘妃廟

花石潭

石圍峯

浮石瀨

班竹巖

洞山陽

雲母溪

橫龍渡

赤沙湖

送道標上人

送梁侍御

喜魏萬成雪中相尋

送蔡侍御赴上都

晦日陪辛大夫宴南亭

贈般若禪師

送獨孤判官赴嶺南

長沙館中對雨

陪辛大夫西亭宴觀妓

題魏萬成江亭

春過裴虬郊園

湖南使還

送韋贊善赴嶺南幕府

春日宴魏萬成亭

重送道標上人

送喬判官赴福州

送鄭判官歸西江

送侯中丞流康州

戲贈千越尼子歌

送李判官

別李十

送河南元判官赴河南句當青苗稅

百官俸錢

春草長河曲離心共渺然方收漢官俸獨向汶陽田鳥
雀空城在榛蕪舊路遷山東征戰苦幾處有人煙

○夏中崔中丞宅見海紅搖落後一花獨
開

何事一花殘閑庭百草闌綠滋經雨發紅艷蘭林看竟
日餘香在過時獨秀難共憐芳意晚秋露未湏溥

○使還自菱陂驛渡潯水作

清川已并涉疲馬共西還何事行人倦終年流水閑孤
煙出廣澤一鳥響空山愁入雲峯裏蒼蒼閉古關

送齊郎中典括州

星象移河苑旌麾獨向東勸耕滄海畔聽訟白雲中

色雙溪合袂聲萬里同石門康樂住幾里枉帆通

○ 過隱空和尚故居

自從飛錫去人到沃州稀林下期何在山中春獨歸踏
花尋舊徑映竹掩空扉寒落東峯上猶堪靜者依

○ 訓屈突陝

落葉紛紛滿四隣蕭條環堵絕風塵鄉看秋草歸無路
家對寒山病且貧藜杖懶迎連騎客菊花能醉去官人
憐君計畫誰知者但見蓬蒿空沒身

過蕭尚書故居見李花感而成詠

手植已芳菲心傷故徑微往年啼鳥至今日主人非滿
地誰堪掃隨風豈復歸空憐舊陰在門客共沾衣

訓李侍御發岳陽見寄

二

二

想見孤舟去無由此路尋暮帆遙在眼春草獨何心
水瀟湘闊青山郭杜深惟當北風至爲尔一開襟

○夏口送徐郎中歸朝

星象南宮遠風流上客稀九重思曉奏萬里見春歸
棹發空江響城孤落日暉離心與楊柳臨水更依依

○奉使鄂渚至烏江道中作

滄洲不復戀漁竿白髮那堪帶鐵冠客路向南何處是
蘆花千里雪漫漫

○贈元客州

擁旌臨合浦上印卧長沙海徼閑無戍湘山獨種畬
政傳通歲貢才惜過年華萬里依孤劍千峯寄一家
累徵期旦暮未起戀煙霞避世歌芝草休官醉菊花
舊遊

夢裏別是天涯何事滄江闊漂漂逐海查

送徐大夫之廣州

上將壇場拜南方羽檄招遠人來百越元老事三朝霧
遶龍川暗山連象嶺遥路分江祿祿軍發馬蕭蕭盡角
知秋氣樓舫逐暮潮當令輸貢賦不使外夷驕

鄂渚聽杜別駕彈胡琴

文姬留此曲千載一知音不解胡兒語空愁楚客心聲
隨邊草動意入隴雲深何事長江上蕭蕭出塞吟

新息道中作

蕭條獨向汝南行客路仍逢漢將營古木蒼蒼離亂後
幾家同住一孤城

○過鸚鵡洲王處士別業

白首此爲漁青山對結廬問人尋野筍留客饋家蔬古
柳依沙岸春苗帶雨鋤共憐芳社色終日伴閑居

題大理黃主簿湖上高齋

閉門湖水畔自與白鷗親竟日窓中岫終年林下人俗
輕儒服弊家馱法官貧多雨茅簷故空洲草徑香桃源
君莫愛且作漢朝臣

寓萬州崔使君
令欽

時艱方用武儒者任浮沈搖落秋江暮憐君巴峽深
門多白首蜀郡滿青衿自解書生詠愁猿莫夜吟

夏口送長寧楊明甫歸荆南因寄幕府
諸公

關西楊太尉千載德猶聞白日俱終古清風獨至君身

承遠祖遺才出衆人群舉世貪荆玉全家竊楚雲向煙
帆杳杳臨水葉紛紛草覆昭丘綠江從夏口分高名光
盛府異姓寵殊勲百越今無事南征欲罷軍

送馬秀才移家洛京便赴舉

自從爲楚客不復掃荆扉劍共丹誠在書隨白髮歸舊
遊經亂盡後進識君稀空把相如賦何人薦禮闈

過裴舍人故居

惻惻寒天獨掩扃紛紛黃葉滿空庭孤墳何處依山木
百口無家學水萍籬花猶及重陽發鄰笛那堪落日聽
書幌無人長不捲秋來芳草自爲螢

○送惠法師遊天台因懷知大師故居

翠屏瀑水知何在鳥道猿啼過幾重落日獨搖金策去

深山誰向石橋逢定攀巖上叢生桂欲買雲中若箇峯
憶想東林禪誦處寂寥惟聽舊時鍾

○夏口至鸚鵡洲夕望岳陽寄中丞

汀洲無浪復無煙楚客相思亦渺然漢口夕陽斜渡鳥
洞庭秋水遠連天孤城背嶺寒齋獨步臨江有泊船賈
誼上書憂漢室長沙謫去古今憐

送南特進歸行營

聞道軍書至楊鞭不問家虜雲連白草漢月到黃沙汗
馬何源飲燒羌隴坻遮翩翩新結束去逐李輕車

湘中紀行十首

雲外嶺一作垂秋

山色無定姿如煙復如黛孤峯夕陽後翠積秋天外雲

起遙蔽虧江回頻向背不如今遠近到處猶相對

○湘妃廟

荒祠古木暗寂寂此江濱未作湘江雨知爲何處雲苔痕斷珠履草色帶羅裙莫唱迎仙曲空山不可聞

○花石潭

江楓日搖落轉愛寒潭靜水色淡如空山光復相映人閑流更慢魚戲波難定楚客往來多偏知鷗鳥性

○石圍峯

前山帶秋色獨往秋江晚疊嶂入雲多孤峯去人遠寅緣不可到蒼翠空在眼渡口問漁家桃源路深淺

浮石瀨

秋月

一作色照瀟湘月明聞湯藥石橫晚瀨急水落寒

少廣衆嶺猿嘯重空江人語響清暉朝後暮如待扁舟
賞

班竹巖

蒼梧在何處班竹自成林點點留殘淚枝枝寄此心寒
山響易滿秋水影偏深欲覓樵人路蒙籠不可尋

洞山陽

浮丘公舊隱之處

舊日仙成處荒林客到稀白雲將犬去芳草任人歸空
谷無行徑深山多落暉桃源幾家住誰爲掃荆扉

雲母溪

雲母映溪水溪流知幾春深藏武陵客時過洞庭人白
髮慙皎鏡清光媚齋淪寥寥古松下歲晚掛頭巾

橫龍渡

空傳古岸下曾見蛟龍去秋水晚沉沉獨疑在何處亂
聲沙上石倒影雲中樹獨見一扁舟樵人往來渡

赤沙湖

茫茫葭菼外一望一沾衣秋水連天闊潯陽何處歸沙
鷗積暮雪川日動寒輝楚客來相問孤舟泊釣磯

送道標上人歸南岳

悠然倚孤棹却憶卧中林江草將歸遠湘山獨徃深白
雲留不住淥水去無心衡嶽千峯亂禪房何處尋

送梁侍御巡永州

蕭條江雨暗客散野庭空憂國天涯去思鄉歲暮同到
時猿未斷回處水應窮莫望零陵路千峯萬木中

○ 歲夜喜魏萬成郭厦雪中相尋